

四庫全書存目叢書總纂委員會編

英華書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

第一五冊  
經部

責任編輯：孫言誠 賀偉

ISBN 7-5333-0580-9



9 787533 305802 >

# 四庫全書存目叢書·經部一五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 49.75 印張

1997 年 3 月第 1 版 1997 年 3 月第 1 次印刷

印數 1~100

ISBN 7 5333 0580 9

Z · 55 經部定價：66000 圓

# 經部第一五冊目次

經部・易類

周易正解二十卷讀易一卷

〔明〕郝敬撰

浙江圖書館藏明萬曆四十三年至四十七年郝千秋等刻郝氏九經解本

易領四卷

〔明〕郝敬撰

中國科學院圖書館藏明萬曆崇禎間郝洪範刻山草堂集增修本

周易旁註會通十四卷

〔明〕姚文蔚撰  
無錫市圖書館藏明萬曆刻本

四一一  
四八七

# 周易正解二十卷讀易一卷

〔明〕郝敬撰

浙江圖書館藏明萬曆四十三年至四十七

年郝千秋等刻郝氏九經解本

附《四庫全書總目·周易正解》

二十卷《提要》

敘九部經解

三代而下。取士明經。經之不明。寔由取士始。士業一  
經。守師說。浮湛主司得當。則入官領薄書。學法律。經  
猶敝笱矣。宦成。則優游林丘。彌咏餘日。思入學鼓篋。  
始亡子過傳舍。假寓耳。安望知類通達。強立不返。以  
化民成俗。副國家取士之意乎。予蚤歲受詩成進士。  
三試爲宰。再補諫官。而十年之內。兩黜考功。子云誦  
詩三百。授之以政。不達。予甚憲焉。甲辰歲。遂棄官隱。  
一畝之宮。僻在荒郊。衛門長掩。永日無事。乃取經籍。  
課誦久之。訓詁外微。有新知苦性齒。隨筆備忘。前後  
九部經解序。涉九經分九解。集九部。乃錄九敍敍。曰庖羲作易。文  
王演次。周公繫爻。孔子贊翼。四聖相授道本一致。百  
家之說。紛然煩碎。執義者遺象。而徇象者失意。邵雍  
氏。圓先天。分易為二。考亭氏。守著策義。主卜筮。小道  
可觀。致遠則泥。緯稗亂正。而易道旁騖矣。作周易正  
解部第一。四代之書。邈茲渺矣。漢之伏生。九十記憶。  
太常晁錯。踵門肄習。得二十有八篇。真四代之弘璧。  
已晚出古文訛名孔壁。良苦真贗。迥不相襲。而二千  
年來。研核其良玉。不可以弗別也。作尚書辨解部。  
第二詩三百五篇。授自毛公。古序精研。六義明通。考

亭氏益改其舊，斥爲鑿空，遂使雅頌失所，國多淫風。先進後進，吾誰適從？其毛公乎？作毛詩原解部第三。  
孟子云：王者迹熄而作春秋，五霸得罪三王，春秋爲五霸而修也。世儒誣仲尼，獎五霸，貶天子，退諸侯。吾聞諸夫子：直道而行，與民共由。豈其譎張名字，深文隱語，始世所稱作春秋直解部第四。禮家之言雜而多端，迂者或戾於俗，而亡者未覩其全，蓋書非一世一人之手，而道有所損，所益之權，訓詁之士鑒以附會，理學之家割以別傳。辭有醇駁，義無中邊，舉一隅則矛盾，觀會通則渾全。作禮記通解部第五。儀禮十  
九部經解序

八戰國塵飛處士橫議周道株蕪文武墜地鄒魯相  
近澤未五世孟子願學曰私淑艾七篇之言居仁由  
義稱堯述舜入孝出弟守信尼之道以待後之學士  
反約則同詳說豈異乍孟子疏解部第九或問曰首  
易何也八卦文始也次書何也二典帝始也次詩何  
也二南王始也次春秋何也王降也次禮何也記也  
非經也次儀禮何也儀也非禮云也次周禮何也非  
周公也非周公而經何也昔人經之因也次論語何  
也集大成也終孟子何也五經之都護也經五而九  
何也三禮皆禮也論孟皆傳也猶五也五用九天則  
九部經解序

舊印

大明萬曆四十七年歲次己未孟夏郝敬自敘

周易正解

京山郝敬著 男千秋千石校刻

讀易

易自羲聖始畫文王演彖周公繫爻孔子翼贊先聖後聖所言惟一皆本造化明人事辨善惡決從違之方而已其他緯候占測得之無補于經而言之適以滋惑非聖人所以憂患天下開物成務之要近世學易主朱子本義謂易爲卜筮作其論八卦筮策準邵雍先天圖牽強附合及其乖于仲尼之旨則曰此伏羲之易非孔子之易也惡是何言與易至孔子尚謂周易正解

一

讀易

未盡乎舍易簡而趨隱怪遠託太古浮淫于伎方之家是庖羲之許行尼父之楊墨也學者但主十翼易道自中天矣

羲畫始呈玄旨苞終如夜半子陽初動晨光未熹夏商之易不可覩矣使其無惑文王必不更演易至文王周公始抽厥緒而辭旨深約如平旦昧爽曲房晏起尚未知曙至吾夫子十翼贊揚幽隱旁達揭日月而行康莊大明中天矣旋罹秦火六籍散佚而易獨存後生捧完璧真斯文大幸奈何更生異端狼莠真苗桀梨同體妄謂羲聖有不盡之秘使緯稗臆作詆

夫子十翼爲一家言，離經叛道，莫此爲甚。

漢唐以來說易，卑者疎淺乏理，高者悠謬不經。夫易聖人所以精義窮理，利用安身以崇德者也。人生何時無屈伸往來之感，何處无悔吝休咎之幾？一念之精進卽乾，而一念之收斂卽坤。一事之光明卽陽，而一事之昏邪卽陰。操心制行，隨時處中，懼則思占，疑則思斷，卽是元亨利貞之道。聖人所以無大過者，舍此無餘術矣。若夫占天測地，按節數時，雖算極微塵，虛敝精神，何所用之？蓋天下唯理可御，數不能違。理，京房郭璞術非不精也，而挾智用數，竟以滅身。故京房郭璞，術非不精也，而挾智用數，竟以滅身。故

周易正解

二

隨

得其要一奇一偶，而消息已具；不得其要，雖以焦貢之四千九十六，何益于成敗之數哉？

易卽占也。天地人物之理著，消息盈虛之數顯。吉凶

禍福之幾決，斟酌損益之法詳。參伍錯綜之義密學者，但思六十四名義，觀三百八十四爻象，默識會通。

天下事可坐而測矣，豈區區蓍策之謂？占乎善學易者，遂卦逐爻以身自占，灼見吉凶從違之理，活潑无礙，乃能知易。不然說雖精空譯而已。

卜筮者，易之小數耳。八卦成而易道大備矣。聖人因圖書衍蓍策以寫卦，徵吉凶而定民志，勸善遏惡，神

其道而設教也。非謂德不加脩，祗憑龜策耳。是以舜之禪禹，志不卜，臧孫辰居蔡，孔子譏之。其自言曰：五十以學易，可以无大過。夫所謂无大過者，豈蓍策不用蓍策云乎哉？故曰：君子居則觀其象而玩其辭，動則觀其變而玩其占。如是，則無往非易，無往非占。故易不可須臾離，占不可一事廢。若龜策不用，非易之害也。或曰：若是，則聖人奚爲作蓍策？曰：蓍策聖人所以寫易之情也。易聖人所以神其道而蓍策聖人所以神其易。學易守蓍策，如登枝而捐本也。夫卦者，所以神其易。學易守蓍策，如登枝而捐本也。夫卦者，

周易正解

三

蒙

掛也。易難言，聖人掛象以示人，命之曰卦。卦明而易其可知也。今之言易者，更越卦而譁蓍策，重增一障，去易愈遠。

今世所傳揲蓍，其義聖之法乎？是未可知也。夫子十翼，未詳，而各家論筮不同。有謂初揲掛一者，有謂三揲俱掛者，至歸奇之策五與九不合，四揲之數意，其有未詳之法與？又得卦以變爲主，說者謂易變也。然十八變而成卦，吉凶可知矣，何必更索之別卦而以本卦爲傳舍乎？是亦一疑也。

世儒謂易爲君子謀，非爲小人謀也。故凡利貞之貞，

皆訓作正言得正則吉此以卜筮論易故爲周旋其說如此夫聖人之憂患天下也君子固欲其得福小人亦欲其免禍詳諄告矣擇于小人亦奚待于卜筮如必待卜筮安能禁小人使不占而曰吾獨爲君子謀乎君子小人皆占安能必占者之皆正若云君子吉則驗小人吉則否是著策驗者常少而不驗者常多其爲用亦狹矣聖人作易使小人不待筮而知凶君子不待筮而知吉也著策云乎哉

或曰姑子之說著策可以弗用乎曰否易雖不由著策生由著策可以觀易非易无以見造化非著策无

周易正解

四

傳易

以見易聖人以造化變動摹爲易易成而變動不可見故作爲著策使人揲策求爻以合卦又爲老少之法使人因數求爻以盡變蓋舊守簡冊靜以待動卦隨策揲動以推靜四十九策立而爻象變動受命如響故曰著之德圓而神後世之著非古也從欲以滅理微福以免禍卜史籍誣附會非天生神物聖人作易之本意故君子務民義可无用筮學易觀變筮亦不可不知也或曰如春秋傳之言筮何其響應乎曰左史多文難盡信卽如其說抑亦筮家老變之一法耳不足以盡易如畢萬筮仕遇屯之比是初九之變

也成季將生遇大有之乾是六五之變也晉嫁伯姬過歸妹之睽上九之變也晉文公納襄王遇大有九三變而之睽也魯叔孫莊叔生子豹遇明夷初九變而之謙也崔杼娶宋姜遇困六三變而之大過也南蒯作亂遇坤六五變而之比也趙鞅救鄭遇泰六五變而之需也惟陳厲公生敬仲遇觀之否用本卦互艮爲占然晉伯姬始嫁何以并惠公死高梁皆知之叔孫豹初生何以并豎牛之名皆知之崔杼入其宮不見其妻若爻辭爲崔杼發者則是以占他人皆不驗矣陳厲公之占以艮爲四畫占姜姓之齊以巽爲風行占在他國皆牽強不近理而近幻不似經而似讖豈聖人開物成務元亨利貞不可遠之正理乎夫蓍策從來遠矣今用之而不驗者十九何獨春秋二百四十餘年間一一奇中邪左史譜張好奇文致其辭未可盡据善夫曲禮有言卜筮者聖王所以使民信日時敬鬼神畏法決嫌疑定猶豫如此而已者也故古人不廢

易者變也蒙爻象解天往非變其大者莫如序卦上下凡六十四轉造化人事之理天然妙合文王所以不識不知順帝之則孔子所以五十學易從心不踰

之矩此也故曰君子所居而安者易之序也言易不  
知序烏乎學易

卦有名非定名爻有象非定象无名而名莫非名也  
无象而象莫非象也有文王再繫今卦之名未嘗不可  
更爲他名有周公再繫今爻之象未嘗不可變爲  
他象道無常主舉一知十神明默成存乎其人難與  
子莫高叟論也

易者聖人窮理盡性之哲理無形性無迹命無聲臭  
故聖人不言性與天道而言象譚玄說空二氏所以  
多言愈離也舍象更無容言更無處見易

周易正解

六

諸易

說者謂易至孔子不言象非也上下二篇大象小象  
說卦雜卦皆夫子作凡天地間昆蟲草木无不取象  
故其言曰易者象也言象莫如夫子也至于彖爻之  
象文王周公既繫之夫子不復言而但贊其義者所  
以明象也然言象何也卦象也理無形因象顯非象  
无以通八卦之變盡六爻之情象設而學人執象則  
又不得不示以易簡之要十翼所由以作也漢魏以  
還學者迷習訓詁如九家者流附會穿鑿迂僻無當  
惟王輔酒然窺十翼之藩而說者謂于象太疎然易  
簡之旨不中不遠及程正叔崩而大之易道庶幾焉

近世學者浮慕反古謂易象有隱窮蒐无得更拾九  
家殘唾以爲至味如蒙之彖曰蒙以養正聖功此義  
甚明也而于賀之說曰武王崩年九十三歲成王八  
歲天後成王之年將以養公正之道成三聖之功此  
于彖義何涉也否之大象曰君子以儉德辭難不可  
榮以祿義甚明也而虞翻之說曰乾爲榮祿坤爲巽  
君巽爲入伏乾爲遠艮山體遁謂避難遠遁入山故  
不可榮以祿又何紓曲也晉六三曰衆允悔亡蓋率  
下附上之象而翻之說曰此變成小過有飛鳥之象  
臼杵之利見鼠出入坎穴也至九四寇鼠貪象也而  
周易正解

七

諸易

九家引鼠五爻爲解中女稱離少陰之象也而晉上  
九維用伐邑謂維爲中女之蠶終坤言弑君父戒初  
六履霜也而于凡卦遇坤皆謂爲弑君父繫辭言游  
菟語鬼神也而于凡卦自內往皆謂爲某卦游菟七  
爻來復則謂爲歸菟此類譸張無根聖人設象豈其  
浮誕若此本欲補輔嗣正叔之遺及爲義文周孔之  
障古聖人設象以顯其圓融活潑之旨今人求象以  
塞其明通易簡之路象而不象則將焉用彼象哉學  
者但以十翼爲宗象義兼舉矣

十翼不言象而象義雙顯今人言象而義荒譚義而

象陰易所以難言也。程正叔易傳大抵因王輔嗣之舊廓而充之。但象數闇畧，執君子小人治亂作解于三極之道，微覺偏祐。朱元晦作本義，直欲懸空說影，以俟占者自命。究竟將易作卜筮之書，而愈隘矣。邵堯夫造爲先天方圖等圖，好事家詫爲新奇，脩鍊羽流文飾爲龍虎鉛汞，婬女嬰兒等名爲參同悟真等書，乍見奇僻，叩之惟存神馭氣以求長生耳。乃珍秘自喜，援易爲口實，大聖人作易，易簡開物，惠人不知邪說誣世，唯恐人知心術。公私已冰炭矣。禮云：假鬼神時日卜筮，疑衆者殺學聖人之學者，尊崇其說可怪也。

周易正解

八  
隨勿

吉

易道易簡，聖人設象以神其道。一言可盡而象千變無窮，聖人神明默成，故象義玄合。學者必因辭會象，因象會義，凡義合而象離者，必非易之義也。抑象合而義離者，必非易之辭也。夫子說卦舉其例，使人觸類旁通，非爲定局耳。今各推廣之，有說卦所本無而彖爻隨宜取象者，如震不言爲侯而屯與豫之震云建侯以長子，承乾象君也不言爲斗而豐之震云日中見斗，以震體仰虛象斗也。巽未言爲魚而姤與中孚之巽皆象魚，以巽體互離爲網罟，有魚也。未言

爲鴻而漸上之巽象鴻，以鴻能序飛乘風也。未言爲牀，而巽云牀下，以奇乘偶象牀也。離未言爲鳥而旅之兌云鳥焚巢，以離田有鳥也。兌未言爲虎而履宿也。未言爲郊，需之兌云郊小畜，小過互兌云西郊以澤在郊也。坤未言爲宮人，剝之坤云宮人寵以坤純陰象女也。此類皆說卦所无，而彖爻自爲象者也。亦有說卦所有其類別而爻辭通用者，如震爲龍，象東方蒼龍之宿，而乾爻皆云龍。坤上六亦云龍，以乾坤生諸卦，變化猶龍也。不獨震也。坤爲牛，象柔順也。

周易正解

九

鳴

而離中有坤，亦象牛。如離之彖云畜牝牛，既濟之離云東鄰殺牛，不獨坤也。巽爲白，而賁體艮離无巽，亦云白以離互巽，又爲兵戈，金色白，火明亦白，中虛亦白，不獨巽也。此類皆說卦所分屬，而爻辭通用者也。三畫成卦，八卦成象，然亦有內外二體合成一象者，如離外剛，內柔爲龜，頤損益三卦，无離而全體上下皆剛似離，故頤云靈龜，損益云十朋之龜，合六爻成離象也。坎以剛居中爲棟，大過无坎，而中四爻皆剛似坎，故彖云橈棟合六爻成坎象也。離爲電，震爲雷，故噬嗑取象刑獄，中孚无震離而大象亦云議獄，與

噬嗑相似以中孚全體似離互震也小過全體似坎故大象取恭哀儉與德行教事相似用坎象又以繼中孚後全體似鳥逐象飛鳥也又頤上艮下震全體取象頤井上坎下巽全體取象井鼎上離下巽全體取象鼎此類皆以六畫成一象不拘三畫之例也亦有二畫成象者如牛本三畫坤離之象艮未言爲牛而遯之艮六二爲賁牛以六二麗九三居中似離也豕本三畫坎卦之象巽未言爲豕而姤下巽之初六云羸豕以初六承九二之下似坎也魚本離象剝无離而上艮之六五云魚貫以六五麗上九居中似離

周易正解

十

讀易

也果蓏本艮象姤无艮而姤之九五云包瓜以初六在九二下似艮也此類皆以奇偶二畫成象者也亦有獨用一畫成象者如田取諸離師无離而六五云田有禽是以上卦坤中一偶象離也震爲足夬无震而夬下乾之初九壯于趾是以乾之初奇象震也坎爲隱伏爲月夬无坎而夬之乾九二云暮夜是以乾中一奇象坎也坤六三爲或從王事无成有終訟无坤而六三亦云或從王事无成有終訟无也故凡陽在下者動之象在中者陷之象在上者止之象凡陰在下者入之象在中者麗之象在上者悅

之象顧其時位何如非定以一卦爲一象也故有一爻取數象如蒙九二既象子又象蒙師小過六二既象孫又象妣又象臣漸六二鴻磐象奠鴈又象哺應既濟六四繩象帛又象裳之類又有一卦象一物仍象兩物如剝卦象牀仍象上下兩牀井卦象井仍象上下兩井鼎卦象鼎仍象上下兩鼎之類又有不用八卦之象但就本爻剛柔稱名爲象如柔以剛爲夫剛以柔爲妻二以五爲君五以二爲臣之類又有雖用八卦之象而不顯言其象如虎艮象也貫上爲艮故爻有虎貫出使四方之象而不顯言虎也牛馬坤

周易正解

士

讀易

象山艮象謙以坤居艮上而初六傳云牧六二爻云鳴九三爻云勞此用牛馬登山爲象而不顯言牛馬也又有不用八卦之象但以卦體大勢情形示象如履體周旋象不處也泰體下往上来象天地將復也噬嗑自下合上象頤下動也漸體上進象循序也歸妹反下象速退也困體下來入井之象也井體上出困通之象也此類皆以卦體形勢爲象者也有以互體爲象如泰中互歸妹六五爻辭遂云帝乙歸妹萃六五互巽傳遂云往无咎上巽也益自二以上互觀文辭遂象觀謙自二以上互師五上遂象征伐之類

是也。又有不主本卦而以爻所變卦爲象者。如田與見本離象也。乾九二云：在田利見。是九二變離也。變則爲同人。故在田見大人。卽同人之同人于野也。動直本乾象。坤六二云：直方大。象曰：六二之動直以方。言動則偶。畫變直爲師之九二承寵懷萬邦節光大不孤之象也。比之上六云：无首上六變則成觀。大觀在上顛若爲首。不變不成觀。故云无首也。豫上六冥豫成有渝。是震體變離。以明化冥也。復之上六无妄之上九。旣濟之九三。未濟之九四。此類皆以變卦爲象者也。又有不待變。而以本體所伏卦爲象者。如同周易正解

十一

傳寫

周易正解

十三

傳寫

來之際象離也。臨初一咸臨以下卦伏艮二離象成也。同人九四之孚。自困而反。則以四變家人及互困也。漸九三之傳曰：離羣魄以坤體外互離也。咸九三云：執其隨。以三爲長。止不動。則不爲隨也。此類皆以卦名爲象者也。又有依序卦一正一倒往來相因爲象。始比之原筮。蠱之先後甲。井之改邑。復之七日。復臨之八月凶。需訟咸恒之類皆是也。又有依八卦方位六爻周流爲象。如蹇解井震之類。有用天干爲象。如蠱之甲巽之庚。革之己日。泰之帝乙。有用數目爲象。如三歲十年。九陵七日之類。有用文字爲象。如周易正解

六二互爲坎也。睽上九之鬼，借作睽，疑象也。中孚九

三云：好爵，借作烏。賚，象鳥孚子也。噬嗑，借作市合大

過，借作過涉。枯楊喪羊，皆借作陽。大小畜之畜，借作

束，獲，借作禮。无妄，借作无望。坤六二直方同人，困九

五中直，皆借奇畫之直，作正直。育六二之賁，其須歸

妹六三之歸妹，以須背借，䷔須之須，作須求之須。他

如彖借作斷。父，借作效。此類皆以字音相通，假借爲

象者也。凡爻辭皆象也。凡象皆辭也。故有卽辭是象

如卦有大小，則辭有險易。吉人辭寡，躁人辭多之類。

又有无辭亦象，如咸感无心，九四雷心位，而爻辭獨

周易正解

十四

策易

不言心以象咸之无心也。升之九五君位，非人臣所得升，故爻辭无君象。但云升階虛天位以待大人也。此以无辭爲象者也。夫无辭亦象，而象可勝窮哉！大抵卦六十四皆象，而象猶不盡于卦爻。三百八十四皆象，而象猶不盡于爻。天地山澤風雷水火龍馬牛羊雞狗之類象也。雖爻辭君子小人吉凶休咎之類亦象也。乾之九三君子終日乾乾，非爻象乎？天行健君子自强不息，非卦象乎？故易莫非象也。離象言易，與泥象求象，皆非也。故曰：引而不伸之觸類而長之易，其可知也。故易者，變也。象者，像其變也。莫變于易，故易

莫變于象。惟神不測，惟神无象。聖人作易，象神設卦。

象易，畫奇偶以象陰陽。陳六位以象三才。乾坤六子

相錯，以象造化人事。屈伸往來，故古今天地一象也。

帝王一象也。萬事萬物一象也。學者觀象斯得意矣。

而魏王弼氏曰：得意在忘象。文苟合順，何必坤乃當

牛？義苟應健，何必乾乃爲馬？然此乃旣有象後之言。

非未有象先之言也。蓋象由畫始也。方羲聖始作易

不言而示人以畫。一畫立而參兩具。八卦成萬象，應

故曰：八卦成列。象在其中矣。乾坤象天地，六子象雷

風山澤水火，有象而无辭。有畫而无意。所謂八卦以

周易正解

十五

策易

象告耳。及文王周公受之，然後繫辭以明象。廣象以明意。是故彖者，言乎其象者也。孔子曰：書不盡言。言不盡意。聖人之意，其不可見乎？聖人立象以盡意。此也。自庖犧氏以下，列聖開物成務，立成器以利天下。皆取諸象。故曰：見乃謂之象。形乃謂之器。器形而下道形而上，通乎道器之間者，象也。故曰：聖人有以見天下之曠而擬諸其形容。象其物宜，謂之象。故易者，象而已矣。若夫道一而已，易與詩書禮春秋非殊也。苟求其意，求之詩書春秋可也。惟易以象告，故言健則必言馬。他經健可不必馬，而易不言馬，則焉知一

之象焉言順則必言牛他經牒可不必牛而易不言牛則馬知一之象牛則是爻畫不與萬物通而八卦爲虛文矣豈聖人見贊擬諸形容之意乎學者誠欲忘象併忘易乃可如言易而廢象意雖是終因莽而不順理蓋意有象猶方圓有規矩意不準諸象必且師心馳辯于意外王弼懲漢魏諸家之附會矯枉過直毀繩墨而尚清言習氣使然不可以爲訓也易依文設象依數明理故說卦于象諱焉若祇據文位一言理而于象辭不合是聖人之辭譯張无根而理元所維繫活套轉移如君子小人君臣治亂一二卦可周易正解

周易正解

卷六

周易

了矣瑣瑣六十四不已複乎故凡爻與象各有合也顧辭旨精融粗淺難窺若視爲糟粕一切拋棄姑告子不得于言自詭忘象非欺則罔故以理數論爻有定位數也象有變化理也理與數合乃見數无所逃爻天也象人也人與天合乃信天不可違若以爻爲理數象爲事物則必事物與理數合然後吉凶善惡各盡其情故凡象與爻无弗合也見爻而不見象始王弼之說索理而遺事物也見象而不見爻如于寶諸家之說徇事物而忘理也故拂義而強象者失之苦執義而廢象者失之疎昔人而失眞味昔人

離而不屬皆非也至于近時博士家說易无君子小人君臣治亂則茫然不知易猶說春秋无尊周攘夷棄貶名字則茫然不知春秋嗟夫經術之敝久矣莊生所謂子載而下知其解者旦暮遇之也

上下二篇之卦六十有四一正一倒文王所次第也數往知來順逆相受條理天然夫子作傳隨意指掌如水流轉轉圜神不拘之妙究在目前學者識此益虛消息思過半矣故易非聖人不能演非聖人不能序而其取于一正一倒者像神之兩在无方道之周流不息所謂合內外徹上下一而二二而一也學者焉用文王之演爲也

周易正解

卷七

周易

不深加體究惑于邵氏先天圖說以乾一兌二爲伏羲本義疑序卦爲牽強則是二篇次第可任意雜越

或謂重卦始自文王非也八卦相錯羲聖備矣筮法老少用九用六皆本自河圖然必六畫卦成其法始備羲聖既則圖書作著策不應重卦又不自羲聖始也大傳序庖犧神農以來列聖開物所取十卦皆重

儻重卦自後世始聖人立言必不爾

春秋傳韓宣子適魯觀書于太史見易象曰吾乃知周公之德與周之所以王然則易象之繁自周公久矣

孔叡達作正義辨之甚詳而班固云易更三聖世歷三古說者以伏羲文王孔子爲三聖周公不與羲晉觀孟子序堯舜以來聞知止稱文王亦不及周公蓋二聖父子同此言父則不復及子言三古則不復列四聖玄言應爾豈謂周公遂不得與于斯文乎說者因大傳云作易者有憂患當文王與紂之事其辭危因謂危辭多在爻爻辭亦文王作非也按坤之象云先迷後得主東北喪朋小畜云密雲不雨自我西郊履云履虎尾不咥人明夷云利難貞剝云不利攸往歸妹云征凶无攸利凡此皆文王彖辭可謂不危乎

文王故夫子爲文王作彖傳爲乾坤二卦作文言其象傳則爲周公作又甚明也聖人脩辭立誠言不盡意伏羲畫卦无辭以俟文王文王繫象无文以俟周公周公繫象无傳以俟孔子三聖皆以未盡之意遞相傳述若使文王繫象又繫爻則周公作象亦宜作翼孔子成春秋脩經亦宜脩傳如後世自爲綱自爲目識者譏之聖人立誠之辭有是喋喋者與後世過信班史故蜀才改箕子之明夷爲其子或援爾雅釋岐山爲二達之山非岐周或謂帝乙爲成湯非紂父又謂爲制王姬下嫁之禮者皆以附合文王作爻辭

文王序易逐卦繫象周公承考逐爻繫象始大備公嘗自言文王我師孔子亦謂文王无憂父作子述卽此類也今檢爻辭始隨云王用享于西山升云王用享于岐山指文王岐周也明夷云明夷于南待待其大首指武王誅紂也箕子之明夷指箕子爲奴也小畜履隨蠱皆隱用文武爲象泰之六五歸妹之九五引商王帝乙是文王所親臣事者也豈以繫爻凡此皆足以徵爻辭之非出自文王甚明也蓋周公相武王誅紂伐商晚遭流言憂患與文孝同故摹寫往事真切如此凡周公之辭既非文王之辭惟象作自

之說牽強固僻皆可哂也孔子神明天縱讀易三絕韋編而作十翼義聖卦位爻畫未明而作說卦文王演易次第未明而作序卦彖辭未明而作象傳周公爻象未明而作象傳恐學者泥于爻又約其旨而作大象慮學者局于序文錯其序而作雜卦无所不用其極而世儒猶謂孔子有未盡之易以待夫陳搏魏伯陽邵堯夫先天後天方圓等圖出而後羲易見呼亦愚且悖矣夫子十翼有上象下象者卽二篇各爻之象今所謂象傳以釋周公爻辭謂之小象又各卦之象始先天

健之類謂之大象。其辭皆明馴爾雅與二繫之文皆夫子作。宋元晦謂大象爲周公作，未知何據。果爾，夫子旣爲彖爻作傳，何獨不作大象傳也？易自羲聖創始，文王周公繫辭學者尚未通曉。至夫子大象逐卦，示人以用易之方，如衣有要領，每卦約言其義，而彖爻諸象可迎刃解矣。始乾則曰：「君子以自強不息。」坤則曰：「君子以厚德載物。」以至六十四卦，各有指南易道，至此長夜夢覺，昏衢日朗，功高三聖，澤流後裔，而鄙儒妄背聖訓，別構先天，愚謂楊墨豈不誠然！

十翼之初，自爲一書，猶傳之于經耳。漢鄭玄始以附周易正解。

于經卽今乾坤二卦章句次第是也。魏王弼又自呻吟後，分彖傳附彖，分象傳附爻，而以彖曰象曰別之。省學者兩讀甚便。近世博士家承邵朱之說，謂三聖不同易，病分經合傳之非古，以歸咎于王弼氏。此不能三年之喪，而總小功之察也。夫謂經傳不可合者，以書同而道異，言同而人異。如春秋諸傳之于經，則誠未可合矣。羲文周孔，奚不可合之有？由孔子視三聖爲古，而自視爲傳，由今視四聖，則皆古皆經也。孔子傳易，何至不如左公穀傳春秋？世儒不病左公穀合春秋，而病十翼合周易，左也。不能講究先後，同揆之首，而徒較勘草句之分合，以求少少，四聖不同易之說謬也。今解仍用王氏舊章，四聖同易，非但爲誦讀便，或曰：「彖爻象辭吉凶悔吝有不同者何也？」曰：「此所謂變通以利言吉凶，以情遷者耳。易者變也。離一爲萬，合萬爲一，之謂變。爻象隨宜發揮，旁通兩端，不執不必切合。卽如元亨利貞一也，有時作四德，有時作一語，有時離析雜他語爲占。元亨兩字多獨用，而利貞兩字多雜出。蓋元亨物所同，而利貞物所各正，此可以舉一隅矣。」

河出圖，洛出書，聖人則之。說者謂伏羲則圖畫卦，今居易正解。